

UNIVERZITET U SARAJEVU-GRAĐEVINSKI FAKULTET Datum: 21. 01. 2026. god.
Patriotske lige 30
71000 Sarajevo
Bosna i Hercegovina

**KOMISIJA ZA PRIPREMANJE PRIJEDLOGA ZA IZBOR/NAPREDOVANJE U
AKADEMSKO SARADNIČKO ZVANJE VIŠI ASISTENT ZA NAUČNU OBLAST
„HIDROTEHNIKA I OKOLIŠNO INŽENJERSTVO“**

VIJEĆU UNIVERZITETA U SARAJEVU - GRAĐEVINSKOG FAKULTETA

PREDMET: Izvještaj Komisije za pripremanje prijedloga za izbor/napredovanje u akademsko saradničko zvanje Viši asistent za naučnu oblast „Hidrotehnika i okolišno inženjerstvo“

PODACI O KONKURSU I IMENOVANJU KOMISIJE

Univerzitet u Sarajevu - Građevinski fakultet je na osnovu člana 121. Zakona o visokom obrazovanju („Službene novine Kantona Sarajevo“, br.: 36/22 i 28/25), Odluke Vijeća Univerziteta u Sarajevu – Građevinski fakultet broj: 02-1-2165-1/25 od 11.11.2025. godine i Odluke o davanju saglasnosti Senata Univerziteta u Sarajevu broj: 01-14-12/25 od 26.11.2025. godine raspisao konkurs za izbor/napredovanje jednog kandidata u akademsko saradničko zvanje Viši asistent sa punim radnim vremenom za naučnu oblast Hidrotehnika i okolišno inženjerstvo. Konkurs je objavljen u dnevnom listu „Dnevni avaz“, na web stranicama Univerziteta u Sarajevu i Univerziteta u Sarajevu - Građevinski fakultet dana 01.12.2025. godine.

Vijeće Univerziteta u Sarajevu - Građevinski fakultet, a uz prethodno pribavljene pisane saglasnosti svakog predloženog Člana, je na svojoj V redovnoj sjednici održanoj 08.01.2026. godine donijelo Odluku o imenovanju Komisije za pripremanje prijedloga za izbor/napredovanje u akademsko saradničko zvanje Viši asistent za naučnu oblast „Hidrotehnika i okolišno inženjerstvo“ broj 02-1-2165-7/25 (u daljnjem tekstu Komisija) u sastavu:

1. Dr.sc. Emina Hadžić, dipl.inž.građ. – redovni profesor na Univerzitetu u Sarajevu – Građevinski fakultet (naučna oblast: „Hidrotehnika i okolišno inženjerstvo“), predsjednik Komisije,
2. Dr.sc. Hata Milišić, dipl.inž.građ. – vanredni profesor na Univerzitetu u Sarajevu – Građevinski fakultet (naučna oblast: „Hidrotehnika i okolišno inženjerstvo“), član Komisije,
3. Dr.sc. Haris Kalajdžisalihović, dipl.inž.građ. – vanredni profesor na Univerzitetu u Sarajevu – Građevinski fakultet (naučna oblast: „Hidrotehnika i okolišno inženjerstvo“), član Komisije.

Komisija je konstituirajuću sjednicu održala 19.01. 2026 godine, kada je usvojila Poslovnik o radu komisije za izbor akademskog osoblja (u daljem tekstu Poslovnik) broj 03-2-2165-8/25 od 19.01.2026. godine, kojim se pobliže uređuju nadležnosti, način rada, kao i druga pitanja od značaja za rad Komisije po osnovu konkursa za izbor/napredovanje u akademsko saradničko zvanje -Viši asistent za naučnu oblast „Hidrotehnika i okolišno inženjerstvo“, jedan izvršilac sa punim radnim vremenom.

Komisija je zaprimila sa pristiglom konkursnom dokumentacijom i potvrdu stručne službe o blagovremenosti dostavljenih prijava, kao i broju prijavljenih kandidata na Konkurs (broj 03-2165-5/25 od 19.12.2025. godine). Konstatovano je u skladu sa odredbama člana 255 Statuta Univerziteta u Sarajevu br. 01-14-35-1/23 od jula 2023. godine (u daljem tekstu Statut) da se:

Na Konkurs, koji je objavljen u dnevnom listu „Dnevni avaz“ i na web stranicama Univerziteta u Sarajevu - Građevinskog fakulteta i Univerziteta u Sarajevu, dana 01.12.2025. godine, u utvrđenom roku prijavio jedan kandidat:

1. **Dževad Imamović, magistar građevinarstva – diplomirani inženjer građevinarstva** (asistent za naučnu oblast „Hidrotehnika i okolišno inženjerstvo“, na Univerzitetu u Sarajevu – Građevinskom fakultetu) - prijava protokolirana pod br. 03-2-2165-4/25 od 12.12.2025. godine.

Na osnovu detaljnog pregleda konkursne prijave br. 03-2-2165-4/25 od 12.12.2025. godine od strane Komisije, sačinjen je zapisnik u kome je konstatovano da je kandidat priložio svu potrebnu dokumentaciju traženu konkursom.

Sekretar UNSA-GF, Sabina Bajrić, dipl. pravnik, prisustvovala je konstituirajućoj sjednici Komisije i otvaranju pristiglih prijava, te ustanovila njihovu potpunost u skladu sa Konkursom, o čemu je sačinjena odgovarajuća potvrda broj: 03-2165-10/25 od 19.01.2026. godine koja čini sastavni dio ovog Izvještaja.

Na osnovu Odluke o imenovanju Komisije za pripremanje prijedloga za izbor/napredovanje (u daljnjem tekstu: Komisija) broj 02-1-2165-7/25 od 08.01.2026. godine, zadatak Komisije je da podnese pisani Izvještaj sa prijedlogom za izbor kandidata Vijeću Univerziteta u Sarajevu - Građevinski fakultet, u skladu sa tekstom raspisanog konkursa, u roku od 30 dana od dana imenovanja. Nakon što je razmotrila prijavu i priloženu dokumentaciju prijavljenog kandidata, Komisija u skladu sa odredbama članova 112. i 124. Zakona o visokom obrazovanju („Službene novine Kantona Sarajevo“, br.: 36/22 i 28/25), te članova 227. i 236. Statuta Univerziteta u Sarajevu (br. 01-14-35-1/23 od 26.07.2023.godine) i Poslovnika podnosi slijedeći izvještaj:

IZVJEŠTAJ

sa prijedlogom za izbor kandidata u akademsko saradničko zvanje viši asistent za naučnu oblast „Hidrotehnika i okolišno inženjerstvo“ na Univerzitetu u Sarajevu – Građevinskom fakultetu

1 PRIJAVA KANDIDATA

U predviđenom roku za podnošenje prijava na Konkurs, prijavio se jedan kandidat za izbor/napredovanje u akademsko saradničko zvanje Viši asistent sa punim radnim vremenom.

Na osnovu pisane Potvrde Sekretara Univerziteta u Sarajevu - Građevinski fakultet broj 03-2165-10/25 od 19.01.2026. godine (koja predstavlja sastavni dio Izvještaja), Komisija konstatuje da se na Konkurs za izbor/napredovanje u akademsko saradničko zvanje Viši asistent za naučnu oblast „Hidrotehnika i okolišno inženjerstvo“ prijavio jedan kandidat, i to:

1. Dževad Imamović, magistar građevinarstva – diplomirani inženjer građevinarstva

Konkursna prijava kandidata zavedena je u knjizi protokola Univerziteta u Sarajevu - Građevinski fakultet dana 12.12.2025. godine pod brojem 03-2-2165-4/25.

Prijava Dževada Imamovića, Mr. dipl. ing. građ. je blagovremena i potpuna, te je Komisija u skladu sa zakonskim i statutarnim odredbama vrednovala ispunjenost uslova za izbor/napredovanje u akademsko saradničko zvanje Viši asistent za naučnu oblast „Hidrotehnika i okolišno inženjerstvo“.

2 BIOGRAFSKI PODACI I ZAPOSLENJE

Dževad Imamović rođen je 08.07.1992. godine u Zavidovićima, Bosna i Hercegovina.

2.1 Obrazovanje

- Prvi ciklus studija završava 2016. godine i stiče akademsku titulu i stručno zvanje Bakalaureat/bachelor-inženjer građevinarstva.
- Drugi ciklus studija završava 2018. godine i stiče akademsku titulu i stručno zvanje Magistra građevinarstva - diplomiranog inženjera građevinarstva – smjer hidrotehnika i okolišno inženjerstvo.
- Student doktorskog studija – oblast građevinarstva na Univerzitetu u Sarajevu – Građevinskom fakultetu od 2021. godine.

2.2 Radno iskustvo

- (2022 -) **Asistent**
Univerzitet u Sarajevu – Građevinski fakultet
- Asistent na predmetima prvog i drugog ciklusa studija: Hidromehanika, Vodosnabdijevanje i odvođenje otpadnih voda, Hidraulika, Upravljanje čvrstim otpadom I i Zaštita okoliša.
- (2020 - 2022) **Inženjer**
Zavod za planiranje razvoja Kantona Sarajevo, Branilaca Sarajeva 26, Sarajevo

- učešće u projektovanju i razvoju urbanih i infrastrukturnih projekata za Kanton Sarajevo,
- priprema tehničke dokumentacije, studija i analiza izvodljivosti,
- saradnja s multidisciplinarnim timovima na projektima iz oblasti okolišnog i građevinskog inženjerstva, uz osiguranje usklađenosti s lokalnim i državnim propisima,
- doprinos planiranju i održivom razvoju sistema upravljanja vodama i infrastrukturnih rješenja.

(2018 - 2022) **Mladi inženjer**

Dževkomerc inženjering d.o.o. Zavidovići

- izrada i priprema glavne i izvedbene projektne dokumentacije za hidrotehničke i građevinske objekte,
- asistencija pri nadzoru i terenskim radovima, osiguravajući izvođenje projekta u skladu s projektnim rješenjem i standardima,
- učešće u revizijama, tehničkim elaboratima i koordinaciji s projektnim timovima i klijentima,
- podrška u procesima projektovanja iz oblasti hidrotehnike i okolišnog inženjerstva.

3 OCJENA ISPUNJENOSTI USLOVA KANDIDATA ZA IZBOR/NAPREDOVANJE U AKADEMSKO SARADNIČKO ZVANJE VIŠI ASISTENT

Ispunjenost uslova za izbor kandidata u akademsko saradničko zvanje Viši asistent za naučnu oblast „Hidrotehnika i okolišno inženjerstvo ocijenjena je prema odredbama člana 112. stav (1) i stav (2) tačka (b) Zakona o visokom obrazovanju Kantona Sarajevo (Službene novine Kantona Sarajevo br. 36/22 i 28/25 - u daljem tekstu: ZVO), člana 226. stav (1) i odredbama člana 227 Statuta Univerziteta u Sarajevu (br.:01-14-35-1/23 od 26.07.2023.godine) (u daljem tekstu: Statut).

Pored općih zakonskih i minimalnih uvjeta za izbor u akademsko zvanje viši asistent, prema uslovima Konkursa prijavljeni kandidati trebaju da isunjavaju i sljedeće uvjete:

- diplomirani inženjer građevinarstva, odnosno magistar građevinarstva, smjer hidrotehnika i okolišno inženjerstvo, sa 300 ECTS bodova.

Nakon pregleda dostavljene Konkursne dokumentacije, konstatovano je da je kandidat priložio dokumentaciju traženu Konkursom, i to:

1. Pisanu i potpisanu prijavu na Konkurs s navodima priložene dokumentacije,
2. Biografiju (CV) u printanoj i elektronskoj formi na CD-u,
3. Izvod iz matične knjige rođenih – ovjerenu fotokopiju,
4. Uvjerenje o državljanstvu Bosne i Hercegovine – ovjerenu fotokopiju,
5. Diplomu o završenom II ciklusu studija sa Dodatkom diplomi stečenu na Univerzitetu u Sarajevu-Građevinski fakultet – ovjerenu fotokopiju,
6. Diplomu o završenom I ciklusu studija sa Dodatkom diplomi stečenu na Univerzitetu u Sarajevu-Građevinski fakultet – ovjerenu fotokopiju,
7. Dokaz o provedenom izbornom periodu u zvanju asistenta – original,
8. Bibliografiju u štampanoj i elektronskoj formi na CD-u.

Komisija je na sastanku održanom 19.01.2026. godine detaljno pregledala osim obavezne i dodatnu dostavljenu dokumentaciju kandidata Dževada Imamovića i to:

- Lista objavljenih radova uz kopije istih i ispisom iz relevantnih citatnih baza.

Za sve navode kandidata koji se nalaze u biografiji, a nisu dostavljeni u okviru dokumentacije, Komisija je izvršila provjeru putem odgovarajućih dostupnih baza podataka pri čemu se prvenstveno misli na stručne i naučne radove te druge informacije važne za izbor/napredovanje u zvanje za koje se kandidat prijavljuje. Na osnovu ZVO i Statuta Univerziteta u Sarajevu, te na osnovu ličnog poznavanja zahtjeva posla Višeg asistenta za oblast „Hidrotehnike i okolišnog inženjerstva“ Komisija je sačinila listu kriterija za ocjenu podobnosti kandidata:

1. Prosjek ocjena u toku 1. i 2. ciklusa studija

Kandidat **Dževad Imamović** ima ukupnu prosječnu ocjenu ispita iz predmeta oba ciklusa studija na Univerzitetu u Sarajevu – Građevinskom fakultetu **8,73**.

2. Stručni i naučni radovi

Kandidat **Dževad Imamović** ima objavljen 1 rad, i to:

R. br.	Rad	Baza podataka
1.	Imamović, D., and Serdarević, A. (2023). Landfill gas – landfill degassing system and methods of using landfill gas at Sarajevo landfill. <i>Coupled Systems Mechanics</i> , 12(6), 531–537. https://doi.org/10.12989/csm.2023.12.6.531 Datum uvida: 20.01.2026.	Scopus EID: 2-s2.0-85186619985

3. Nastavničke sposobnosti

Kandidat **Dževad Imamović** ima iskustvo u radu sa studentima jer je od 2022. godine angažovan kao asistent u nastavi na Odsjeku za Hidrotehniku i okolišno inženjerstvo Univerziteta u Sarajevu – Građevinski fakultet, a što potvrđuje originalna Potvrda/Dokaz o provedenom izbornom periodu u zvanju asistenta priložena uz dokumentaciju Konkursa.

4. Posebne vještine i kompetencije

Kandidat **Dževad Imamović** se aktivno služi enegleskim jezikom te poznaje osnove njemačkog jezika. Od softverskih paketa relevantnih za ovaj izbor, kandidat poznaje rad u softverima MS Office, AutoCAD te je upoznat s LandGEM-om i drugim alatima za modeliranje okoliša i analizu podataka. Posjeduje izvrsne komunikacijske i međuljudske vještine razvijene kroz profesionalno iskustvo kako kao građevinski inženjer tako i kao asistent u nastavi na Građevinskom fakultetu Univerziteta u Sarajevu.

4 MIŠLJENJE I PRIJEDLOG KOMISIJE

Na osnovu pregleda dostavljenog materijala traženog konkursom koji je Komisija dobila na uvid i uvažavajući zakonske propise koji regulišu ovu oblast, Komisija konstatuje da prijavljeni kandidat **Dževad Imamović ispunjava sve uslove za izbor u akademsko saradničko zvanje Viši asistent za naučnu oblast „Hidrotehnika i okolišno inženjerstvo“**, u skladu sa članom 112. Zakona o visokom obrazovanju Kantona Sarajevo (Službene novine Kantona Sarajevo br. 36/22 i 28/25), te članova 226. i 227. Statuta Univerziteta u Sarajevu (br.:01-14-35-1/23 od 26.07.2023.godine).

Na osnovu navedenog, Komisija sa zadovoljstvom jednoglasno

PREDLAŽE

Vijeću Univerziteta u Sarajevu-Građevinskog fakulteta **da usvoji ovaj Izvještaj Komisije i da utvrdi prijedlog** da se kandidat **Dževad Imamović**, magistar građevinarstva – diplomirani inženjer građevinarstva, **izabere u akademsko saradničko zvanje Viši asistent** za naučnu oblast „Hidrotehnika i okolišno inženjerstvo“, te da se s tim u vezi nastavi zakonskim odredbama predviđena procedura do okončanja postupka.

Sarajevo, 21.01.2026. godine


Komisija u sastavu:



Prof.dr Emina Hadžić, dipl.inž.građ., predsjednik
Komisije



Van. prof.dr Hata Milišić, dipl.inž.građ., član Komisije



Van.prof.dr Haris Kalajdžisalihović, dipl.inž.građ., član
Komisije